



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Observ. in Cap. XI. circa contestationem Litis & Juramentum calumniæ.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

tità ejus fuerit ab Actore; sed sufficere, ut alia quilibet ab ipso spoliatus fuerit. Licet ea non habeat locum in rebus Incorporealibus, qualia sunt Jura ad Beneficia, ad Decimas, aut similia, nihilominus, si Possessor actualis Ecclesia aut Capella, ab ipsa ejiciatur, eum esse in Casu hujus Exceptionis: eam adeò favorabilem esse, ut Invafor eā uti possit, si à possessione suā per vim ejus fuerit; si Possessor spoliatus præ omnibus restituī debeat, id fieri, quod cum eius Adversario eodem modo agendum sit, quo ipse cum Spoliato egit; & quia, si Adversarii rationes audiuntur circa jus ipsius ad rem, ageretur de Petitorio, cū agi debet solum de Possessorio. *vid. GONZALEM in Cap. 7. de Restituī. Spoliat. ubi fusē differit de hac Exceptione, & statuit Principia, sine quibus vix intelligi possunt ea, que Autor dicit in hac Regula Prima: circa quam præterea, observandum est dicimen, quod inter Civile & Criminale Judicium ponit; nempe, in Judicio Civili, Spoliatum non posse restituitionem petere, nisi cū ab Actore spoliatus fuit: posse autem in Judicio Criminali, etiam si ab alio spoliatus fuerit.*

*Regula Secunda exponit effectum hujus Exceptionis, qui est restitutio Spoliati in Possessionem, & non Manutentio plena, nisi hæc proposita fuerit per Reconventionem: hujus differentia rationem annotare debuisset Autor, nempe, Reconventione est actio, cuius finis est recuperatio rei detentæ, Exceptio autem Spoliationis tendit ad recuperationem amissæ possessionis.*

#### QUEST. V. Exceptio petita à Satisfactione.

Quod dicit Autor, Actorem teneri ad Satisfactionum de contestandâ lite intrâ biennium, aut de restituendo duplo damni, quod inde patitur Reus, si ipse deficiat, abrogatum videtur. Quod adjicit, Actorem cavere debere de certâ Summâ Reo solvendâ, si dejectiatur ab Actione, locum habet solum in quibusdam Casibus, qui variis sunt variis in Locis.

Absolvendo id, quod dicere instituerat circa Exceptiones Dilatorias, quæ præcedunt litis contestationem, indicare debuisset loca, in quibus loquitur de Exceptionibus, quæ illam sequuntur, & pertinent ad Actus Judiciarios subsequentes, nempe ad probations in generi, & in specie, nec non eas, quæ pertinent ad Contractus, vel Obligationes, & exponuntur Lib. V. Cap. IX. quadam locum habent in Judiciis.

#### OBSERVATIONES in CAP. X. de RECONVENTIONE.

Quod Autor de Reconventione dicit, & quod ad dicere debuisset, contineri potest in Definitione Reconventionis; hoc enim nihil aliud est, quam repetitio facta à Reo coram Judice Ordinario, vel Delegato, apud quem conventus est, pendente eadem Instantiæ, & quæ tendit ad compensationem: indè vero sequitur 1. Excommunicatum reconvenire non posse, quia non potest agere in Jure, 2. si is qui fundo quoipiam v. gr. Tusculano, spoliatus fuit ab alia Personâ, quam alio fundo spoliaverat, ab eâ conveniatur ad restitucionem hujus fundi, potest & ipse eam reconvenire, ad repetitionem fundi Tusculani: namque agere potest, & hic compensatio locum habet, 3. Reconventione non obtinet in Judiciis apud Arbitros, quippe qui Judices, nec Ordinarii nec Delegati sint, & Jurisdictionem privatam duntaxat habent inter Partes, cum Judices propriè dicti autoritatem publicam gerant. 4 Reconventione fieri nequit apud alium Judicem, quam eum, coram quo Reus conventus fuit 5. Et non habet locum apud Judicem appellationis, si omessa fuerit coram primo Judice, quia appellatio novam Instantiam instituit.

6. Fieri potest post litis contestationem, quæ Instantiam hæc non claudit, sed potius inchoat: 7. Reconventione non habet locum in Judicio Criminali, extrâ ordinem informato, quia Judicium Criminale non vocatur Actio sed Accusatio. 8. Si Actio, qui Rescriptum Delegatorium impetravit, hoc Rescripto privetur iure Appellationis, Reconventione judicari debet Appellatione remotâ: nam Actoris & Rei par est conditio, & quod non licet uni, alteri quoque non licet: *Cap. 2. de mutuis petit. & Reg. 32. de Reg. Jur. in 6. que locum habet in Reo perinde atque in Actore; cū nulla est ratio ex illius parte, quæ conditionem ejus meliorem faciat, quam Actoris; nulla est autem in Casu proposito; quippe æquum est, ut sicut Reo prodest Clausula, *appellatione remotâ*, cū secundum ipsum judicatum est, ita & ipsi noceat, cū damnatur. Qui sentit commodum, debet sentire & incommodum.* GONZALEZ hoc Argumentum fusē exponit in Cap. 1. de mutuis petit. à quo hasce additiones defensimus, ad omissiones Autoris supplendas. Observat, duplimente esse Reconventionis effectum 1. Jurisdictionem Judicis prorogat, cū unus tantum è Litigatoribus ipsi obnoxius est, quod operatur, modò fiat ante Judicium. 2. Unâ cum petitione Actoris discutitur, modò fiat ante contestationem litis. Ex his observationibus patet, Cap. X. supplere ea, quæ desunt in V. circa Actorem & Reum.

#### OBSERVATIONES in CAP. XI. circa CONTESTATIONEM LITIS ET JURAMENTUM CALUMNIAE.

*REGULÆ III.* Autoris circa Litis contestationem, sufficientem hujus Argumenti notionem non tradunt: nam docent duntaxat, 1. Eam fieri per petitionem & responsum in Jure, 2. Eam adeò necessariam esse, ut sine ipsa Judicium nullum sit, nisi Judex ex Officio procedat, 3. Eam fieri debere intrâ viginti dies, 4. Responsum Rei negativam esse debere, ita ut, si Actioni meram Exceptionem opponat, non sit contestatio, multominus, si mera positio sine petitione ab Actore proposita fuerit. Plures omittit Casus, in quibus necessaria non est contestatio; nempe, cùm litigatur cum Pontifice *Cap. 1. de Transact. cùm agitur de Causis Summaris*, quæ conficienda sunt simpliciter, & de plano, sine frepitu & forma Judicij Clem. 2. de Verbor. signific. ubi hi Causas enumerantur. Plures ejus effectus omittit, qui sunt, prorogare Jurisdictionem Judicis; prorogare jus Actoris, & quoad hoc, Præscriptionem interrumpere; rem litigiosam facere; constituerre Possessorem, in malâ fide; facere Procuratorem Dominum litis, seu prorogare ejus facultatem.

Silet omnino circa Exceptions, quæ litis Contestationem impediunt; nempe, rem judicatam, transactionem, solutionem, & circa eas, quæ hoc effectuarent *Cap. 1. de litis Contest. in 6. GONZALEZ & FAGNUS in Cap. 1. de litis contestatione* differunt de omnibus his, & similibus rebus omissis ab Autore. Posterior n. 55. tradit Definitionem Positionis, quæ exponit quidquid de illâ sciendum est; nempe, positio est simplex assertio facti, ad Causam pertinentis cum Juramento, & in Scriptis proposita, ut propter responsum ab Adversario Judici interroganti factam, alter ab obligatione probandi liberetur. Similiter legitur Definitio Contestationis cum ejus expositione n. 5. & seq. ipsa est fundamentum Litis, quam inchoat Actio proposita in Jure, & Rei responsio congrua subsequens.

Omnes Regule & Exceptions ab Autore collectæ circa Juramentum Calumnia, comprehendi possunt in Definitione illius Juramenti, dicendo, illud fieri ad asserendum, sibi persuasam esse justitiam Causæ, quam vel suo nomine quis propugnat, vel alieno, tamquam Procurator, aut Advocatus, nullaque in

ea propugnandā malam rationem adhibendam fore. Confirmatur hæc Definitio per Textus ab Autore collectos, & eos, quos GONZALEZ laudat in suo Commentario in Caput 7. de Juramento Calumnia, ubi Juris ut iusque Canonici ac Civilis doctrinam circa hanc rem fuse exponit.

Definitio hæc docet, 1. quatenus hoc Juramentum ab aliis discreperet, quoad materiam suam; nempè 1. Lites, & finem, scilicet remedium oppressionis in liti- bus frequentis. 2. Nullum esse genus Causarum Spiritualium aut Temporalium, Civilium aut Crimin- alium, huic Juramento non obnoxium. 3. Ministros Iurium, Procuratorem, Advocatum, huic Juramen- to teneri, non secūs ac præcipuas personas, Actorem & Reum. 4. Nullam esse circā illud Exceptionem; Collegium per Syndicum illud præstare debet; Epis- copi perinde ac ceteri, quamvis diverso modo. 5. Cum finis ejus habeat locum non minus in Secunda, Tertia, & Quarta Instantiis, quam in Primā, in singulis illud deberi. 6. Juramentum proferendæ veri- tatis, & Juramentum abstinenti ab omni malitia con- tinentur in Juramento Calumnia; nam falsitas aut mendacium & calliditas, que malitia verbo designan- tur, sunt modi opprimendi.

Quæ superfunt seculi necessaria, & in Definitione non continentur, leviora sunt & consistunt 1. in Re- missione Juramenti Calumnia à Parte, quæ, cum pro- prio suo commodo, quod sūs est hujus Juramen- ti, renuntiare possit, hoc Adversario indulgere po- test. Ex hac potestate secuta est abrogatio hujus Ju- ramenti multis in Regionibus. 2. In jure Judicis, exigendi Malitia Juramentum in quocumque Causa statu. 3. In pœnis recusatæ præstationis Juramenti; nempè, quoad Actorem, privatio juris agendi; quoad Reum, privatio juris defendendi. 4. In hujus Ju- ramenti inutilitate, quoad validitatem Processus. 5. In libertate illud differendi, donec à Judge exiga- tur.

#### OBSERVATIONES in CAP. XII. de PRO- BATIONIBUS.

Autor REG. I. loquens de obligatione probandi post contestationem litis, id quod in Judicium venit, sex refert Exceptiones, quæ, ipso fatente, vel falsa sunt, vel inepta ad judiciorum argumentum. Quod dicit, notoriætatem ab onere probandi liberare, verum non est, nisi postquam probata, & per Senten- tiam agnita fuit Cap. 14. Lib. 1. Exceptio Secunda, petita ex eo, quod res Judicii nota sit, falsa est, nisi hanc notitiam via Judiciaria sit adeptus, quæ, cum probationem supponat, exceptio inutilis est.

Exceptio Tertia, sumpta ex Confessione Rei, non habet locum nisi in Jure facta fuerit. Quarta peti- ta ex dignitate personæ rem affirmantis, falsa est, etiam quoad Pontificem; ubicumque rejicitur. CLE- MENT. de Probab.

Quinta sumpta ex dubia Testis reprobatione fal- sitatem agnoscit.

Sexta pariter falsa est; nam cum Judge, aut Litigantium alter Jusjurandum Adversario defert, illud probationis vicem obtinet; nec nisi deficientibus aliis probationibus deferri debet.

Omisi Exceptionem constantem; nempè, quod Jure Communii debetur, probatione non indigeret. Hinc Episcopus, Parochus, Dominus, Magistratus, non tenentur probare Jurisdictionem sibi in suo dis- trictu à jure tributam; sufficit, ut appareat, perso- nas, res, & loca, esse in districtu, ut illorum auto- ritati subjiciantur. Autor postea discutens, ad quem onus probandi pertineat, hanc omissionem supplet in Regula, quam circā id tradit; vel potius in Ex- ceptione Prima, nempè, præsumptio in gratiam Af- firmantis adversus Negantem, probationis onus in

Tom. I.

hunc transfert; quippè præsumptio hæc est de Jure, & indè effectum suum trahit. Regula fert, cum, qui affirmat, probationis obligationem suscipere, non verò cum, qui negat. Ratio Regula est, quod nulla sit probatio meræ negationis, & sola affirma- tio probari possit. Procul dubio de merâ negatione Autor intelligentus est, nempè ea, quæ negatur ni- hil affirmando. v. gr. cum dicuntur non contraxi, non manumisisti, non præbui assensum. Aliud est de ne- gatione determinata ad certum locum, certum tem- pus, aut certam qualitatem; tali enim negatione affirmatur aliiquid indirecte, & quoad circumstantias, & hæc ratione probari possunt, v. gr. si quis neget se Beneficium resignavisse Letetia mense Septembri, affirmat, actum sibi attributum, posito quod verus sit, factum non fuisse Parisis, & mense Septembri; idque probare potest, ostendendo, se tunc alibi com- moratum fuisse: aut lethargo fuisse oppressum, aut rationis usum aliter amisisse. Indè fit, ut quilibet Reus Exceptionem opponens, licet neget rem peti- tam deberi, nihilominus Exceptionem probare te- neatur, quia negando aliiquid affirmat, nempè, se solvisse, vel transegitisse, rem judicatam fuisse, vel se præscripsisse, vel Actorem acceptum tulisse, vel actum esse nullum, aut falso. Cap. 14. de Fide Instrum. Cap. 14. de solutione. Quædam ex his exemplis referun- tur ab Autore, qui deinceps adjicit, quod, cum præsumptio, quæ favet Affirmanti, eum à probatio- ne liberet, si hæc præsumptio alia graviori destru- tur, Affirmans in obligationem probandi recedit; quod hoc exemplo illustrari potest; Maxius queritur se indebitum solvisse Titio; hic se accepisse negat, & suo mendacio destruit præsumptionem, quam ex solutio- ne elicere poterat, ad probandum pecuniam sibi fuisse debitam, & proinde rursus oneratur obligatio- ne probandi pecuniam sibi deberi, posito quod hoc ipsum affirmet. Cap. 4. de Solut. extendit ad præsump- tionem nullam, quod de præsumptione destructa, per aliam, dixit: illius exemplum afferit Confessio- nem sine Causa expressione factam, cujus nullitatem probat ex nullitate petitionis, cuius causa expressa non fuit.

Alias deinde refert exceptions, in quibus is, qui negat, aliiquid aliud affirmat, & sic probare tene- tur; illæ sumuntur. 1. A Judicis mixtis v. gr. com- muni dividendo, familia ericundia, finium regun- dorum, in quibus Causis litigantes utramque perso- nam Actoris & Rei sustinent. 2. Ab aliis casibus, in quibus Negans est Actor, quorum exemplum af- fert casum, quo uxor marito impotentiam objicit, qui se consummavisse asseverat, illa negat. Idem foret, si maritus uxorem de impotentia accusaret, ob nimiam arctitudinem absolutam, aut relativam, ad quem probatio pertineret.

Quodcumque dicit in hac Regulâ contrahi potest ad hac verba: Actori probationis onus incumbit: quod si transeat ad Reum, id sit ob Capita, in quibus Reus est quoque Actor. Modus hic exprimen- da Regula brevior est, & lucidior, nec minus certus; nullus enim est casus, in quo Reus probare te- neatur, nisi aliquo sensu Actor sit; nam v. gr. in quolibet casu Exceptionis peremptoria, petit, le ma- nu teneri in jure per Exceptionem acquistio, & in Casibus, in quibus Actori præsumptio favet, hic pro- bare tenetur, personas, res & loca esse in suo dis- trictu; posito quod illud negetur ab Adversario, quod accidere potest, quoad Pagos in extremitate districtus constitutus.

Transiens Autor Regulâ Tertiâ ad ea, quæ in proba- tionibus adhiberi possunt, exorditur à rumore vul- gi, seu famâ, quæ probationis vim non habet, nisi alius fulciatur adminiculis. Dicit Regula Quarta Testes & Scripta, Indicia, aliave Argumenta, vim Proba- tionum habere; tūm de præsumptione disserit circā quam 6. Regulas tradit. In X. dicit, Judicis Offi-

B b

cium